

## **KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO**

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24 i 39/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 33. sjednici održanoj 11.11.2024. godine, donijela je

### **Autentično tumačenje člana 66. stav (1) tačka h) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24)**

#### *„Član 66.*

*(1) Osnovna plata radnika uvećava se za:*

*h) rad u JU „Djeca Sarajeva“ Sarajevo i u produženom boravku na Svjetski dan učitelja – 20%.“*

Dio citirane odredbe člana 66. stav (1) tačka h) Kolektivnog ugovora „i u produženom boravku na Svjetski dan učitelja – 20%“ odnosi se na sve radnike koji rade u produženom boravku na Svjetski dan učitelja a uvećanje od 20% osnovne plate radnika (vrijednost koeficijenta složenosti poslova platnog razreda utvrđenog rješenjem o plati radnika umnožen s utvrđenom osnovicom za obračun plate uvećana u skladu sa članom 51. stav (1) Kolektivnog ugovora) obračunava se i isplaćuje samo za taj radni dan.

**Odluka o autentičnom tumačenju člana 66. stav (1) tačka h) Kolektivnog ugovora je donesena na 33. sjednici Komisije održanoj 11.11.2024. godine jednoglasno konsenzusom.**

#### **ČLANOVI KOMISIJE**

**Abid Fejić**, predstavnik Poslodavca

**Saudin Sivro**, predstavnik Sindikata

**Seada Mulaomerović**, predstavnik Poslodavca

**Envera Šukman**, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I OBRAZOVANJA U  
KANTONU SARAJEVO**

**MINISTARSTVO ZA ODGOJ I OBRAZOVANJE KANTONA SARAJEVO**  
n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -  
KANTONALNI ODBOR KANTONA SARAJEVO**  
n/r predsjednika

**PREDMET:** Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24 – u daljem tekstu: Kolektivni ugovor) obratio se Sindikat, kao jedna od ugovornih strana, vezano za zahtjev Javne ustanove Osnovna škola „Meša Selimović“ Sarajevo, akt broj: 06-1058/24 od 15.10.2024. godine za tumačenje člana 66. st. (1) tačka h) Kolektivnog ugovora u dijelu utvrđivanja prava i obima prava radnika na uvećanje osnovne plate radnika koji rade u produženom boravku na Svjetski dan učitelja.

U vezi s navedenim, obavještavamo Vas da je Komisija na 33. sjednici održanoj 11.11.2024. godine, donijela autentično tumačenje člana 66. stav (1) tačka h) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za  
djelatnosti predškolskog odgoja i osnovnog  
odgoja i obrazovanja u Kantonu Sarajevo, s.r.**